



POSljednje VIJESTI

SUTRA AKADEMJA PUTEVIMA HIDŽRE - U nedjelju, 3. novembra u 16.41 sati nastupa nova 1435. hidžretska godina. Tim povodom, Medžlis IZ-a Sarajevo će sutra organizovati akademiju pod nazivom Putevima hidžre. Akademija počinje u 18.30 sati poslije jacija-namaza, u Kuvajtskoj džamiji na Čengić-Vili.

PRONAĐENO 500 GRANATA - Na lokalitetu Trešnjev panj kod Tešnja, pripadnici SIPA jučer su, nakon dojave građana, pronašli oko 500 granata kalibra 84 milimetra za bestrajni top. Granate su pronađene na bivšoj liniji razdvajanja, a policija pretpostavlja da je municija nedavno odbačena.

PUCNJAVA NA AERODROMU U LOS ANGELESU - Pripadnik aerodromske službe bezbjednosti ubijen je, a sedam osoba su ranjene kada je čovjek - pripadnik aerodromskog obezbjeđenja iz puške otvorio jučer vatru u terminalu za putnike na Međunarodnom aerodromu u Los Angelesu. On je u pucnjavi sa policijom ranjen a potom uhapšen.

UBIJENA DVA ČUVARA ZLATNE ZORE - Najmanje dvije osobe su poginule, a jedna je teže ranjena kada su sinoć dva napadača na motoru pucala ispred lokala neonacističke partije Zlatna zora u zapadnom predgrađu Atine. Žrtve su ljudi koji su čuvali prostorije partije Zlatna zora.